

Aruba a perde un gran cantante y musico Juan Enrique Kock

Naci na Aruba, 10 Mei 1926, fayece 11 April 2009

Nomber Artistico: Juancho Kock, "Tata di Tumba"



Scirbi pa: Jesus (Joy) Kock toca instrumentonan ritmico despues di a siña toca guitarra
Cu 14 aña Juancho a cuminsa e.o. clavio y maraca. Na 1943, e la integra den e conhuntito

R.C.A. bou direccion di Jan Vlijt, conoci como Juan Serrano, gran cantante y tocado di tre (guitar tres). Den e agrupacion aki Juancho a gana hopi experiencia di Jan Vlijt tanto como cantante y guitarista. Na final di Segunda guerra mundial na 1945 Juancho tabata domina diferente instrumento ritmico. Caribbean Boys tabata e proximo banda cu Juancho a integra conhuntamente cu Edwin Zichem, Horacio Franken, Tommy y Frans van Kleef, Tirso y Oscar Steba. E agrupacion musical aki tabatin un gira exitoso na 1950 na Suriname. Despues di Caribbean Boys e banda a bira prome "Estrellas Lucky Strike" y despues "Estrellas Rey de Copas" y finalmente e inolvidable conhuntito "Sensación Musical". Na 1960 "Sensación Musical" a haci presentacionnan na Suriname. Juancho semper a integra den tur e bandanan aki como cantante y percusionista. "Sensación Musical" a desintegra y na 1973 Juancho a bai canta cu "Ecos del Caribe" bou direccion di e saxofonista Sonny Hoo. Na 1974 e la bai como cantante cu e conhuntito "Vibracion '74". Juancho tin 4 yiu homber cu ta musico. Tur ta naci na Aruba; Sidney 6 Dec. 1950, Elgin 9 Febr. 1953, David 23 Mei 1957 y Michel 17 Nov. 1962. Tur ta excelente percusionista. Juancho ta un cantante cu un bon timbre di voz y bon intonacion. Den su trayectoria largo y exitoso el a yega di interpreta bolero, son montuno, guaracha (cu a bira salsa) merengue, danza, tumba, calypso y otro ritmonan popular Caribense y latino. Juancho a bai competi den tumba contest na aña 1972. E no a gana pero tabata den e finalistanan. Na 1973 Juancho a gana su prome tumba contest cu un composicion di Hector Hasham (trompetista) cu tabata "Muchanan". Semper cu un sonrisa alegre riba su cara, cachucha (petchi) riba cabez y

cu su lenso ta zwaai, Juancho a logra gana e simpatia di e publico y e siguiente tumba contestnan:

- 1973 "Muchanan" di Hector Hasham
- 1974 "Zorg pa bo haci" di Casin Giel
- 1979 "Duro Duro" di Casin Giel
- 1980 "Hé, ban haci un cos" di Casin Giel
- 1981 "Pronkele" di Casin Giel
- 1984 "Ban cu ne" di Eddy Bennet
- 1987 "Mas Aplauso" di Federico Martis
- 1989 "Un biaha mas" di Federico Martis

Debi cu e la gana sigi durante 1979, '80 y '81 Juancho a keda cu e trofeo rotativo di Gobierno di Aruba obseguia door di Instituto di Cultura. Juancho a jega di integra tambe den "Sonora Mayancera" bou direccion di Eduardo Maya (trompetista), y "Swinging Boys" bou direccion di Cai Luidens (guitarista-cantante). Tempo di Aruba recording Studio (1951) bou direccion di Padú del Caribe y Rufo Wever, Juancho a graba hopi 75-RPM, esnan mas recordable ta "Pan Cayente" di Rufo Wever y "Weg'i bala". Juancho a graba cu e mundialmente famoso Orquesta di Republica Dominicana "Flor de Oro". Na 1987 Juancho hunto cu Claudius Philips a haci presentacionnan fabuloso na Miami Florida, durante di actividadnan di "Calle Ocho". Juancho Kock un persona semper alegre y amigo di tur hende. Su contribucion na nos cultura-musical ta grandi. Juancho a bai sosega, pero el a laga un herencia musical colosal pa nos hobennan. Na su distinguida famia, amigonan y coleganan musico ta bai nos profundo condolencia y cu nos Creador integra Don Juancho Kock den su orquesta celestial. Sosega trankilo amigo, te despues.